

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", 7/10 ), člana 13. stav (2) Zakona o javno-privatnom partnerstvu (Službene novine Zeničko-dobojskog kantona", broj: 6/16), i članova 9. i 10. Uredbe o identifikaciji, pripremi, ugovaranju i praćenju implementacije projekta javno-privatnog partnerstva („Službene novine Zeničko-dobojskog kantona“, broj: 3/17), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 139. sjednici, održanoj 05.04.2018. godine, d o n o s i

## **ODLUKU**

### **o imenovanju Radnog tijela za pripremu prijedloga JPP projekta**

#### **Član 1.**

##### **(Predmet)**

- (1) Imenuje se Radno tijelo za pripremu prijedloga projekta javno-privatnog partnerstva (u daljem tekstu: JPP) u skladu sa zakonskim okvirom za JPP Zeničko-dobojskog kantona.
- (2) Potencijalni JPP projekat “Energijska učinkovitost u osnovnim školama” – faza 1, koji se razvija u prijedlog JPP projekta, planiran je srednjoročnim planom potencijalnih JPP projekata Ministarstva za obrazovanje, nauku, kulturu i sport za period 2017.-2019. godina i naveden pod rednim brojem 38. u Katalogu potencijalnih JPP projekata Zeničko-dobojskog kantona za period 2017-2019. godina.

#### **Član 2.**

##### **(Članovi Radnog tijela)**

- (1) Članovi Radnog tijela su:
  1. ministar Mensur Sinanović, Ministarstvo za obrazovanje, nauku, kulturu i sport ZDK
  2. dipl.ecc. Samka Lokmić, viši stručni saradnik za ekonomsko-finansijske poslove, Ministarstvo za obrazovanje, nauku, kulturu i sport ZDK
  3. dipl.ecc. Nebojša Vasiljević, šef odsjeka za ekonomsko-finansijske poslove, Ministarstvo za obrazovanje, nauku, kulturu i sport ZDK
  4. dipl.ing. mašinstva Osman Buza, pomoćnik ministra, Ministarstvo za privredu ZDK
  5. dipl. pravnik Nađa Mišić, sekretar, Ministarstvo prostornog uređenja, prometa i komunikacija, i zaštite okoline
  6. mr. Dino Eminović, direktor Studentskog centra Zenica
  7. dipl. ing. mašinstva Željko Bodul pom. ministra za visoko obrazovanje i nauku, Ministarstvo za obrazovanje, nauku, kulturu i sport ZDK
- (2) Radnim tijelom će koordinirati Mensur Sinanović, ministar Ministarstva za obrazovanje, nauku, kulturu i sport.

#### **Član 3.**

##### **(Djelokrug rada Radnog tijela)**

- (1) Radno tijelo iz člana 2. ove Odluke planira, priprema, provodi i izvještava o svim aktivnostima neophodnim za pripremu prijedloga JPP projekta, u skladu sa zakonskim okvirom za javno-privatno partnerstvo Zeničko-dobojskog kantona.

- (2) Zadaci radnog tijela uključuju, ali nisu limitirani na sljedeće:
- a) Donošenje Poslovnika o radu Radnog tijela
  - b) Priprema dinamičkog plana rada za pripremu prijedloga JPP (Aneks 4)
  - c) Dopuna i finaliziranje kratkog opisa JPP projekta (Aneks 3)
  - d) Priprema tenderske dokumentacije sa projektnim zadatkom za idejno rješenje odnosno idejni projekat
  - e) Priprema tenderske dokumentacije sa projektnim zadatkom za izradu studije opravdanosti
  - f) Priprema prijedloga Odluke o opredjeljenosti za pokretanje JPP projekta
  - g) Provođenje neophodnih tenderskih procedura
  - h) Koordinacija sa predstavnicima drugih javnih tijela, domaćim i stranim organizacijama radi pripreme projekta
  - i) Informisanje javnosti i promocija u svim fazama JPP projekta
  - j) Izvještaj o realizaciji
- (3) Svi članovi radnog tijela kao i sva naknadno uključena lica u pripremu JPP projekta iz člana 1. stav (2) ove Odluke dužna su potpisati Izjavu o čuvanju povjerljivih informacija vezanih za cjelokupan proces pripreme prijedloga JPP projekta i tenderske dokumentacije za izbor privatnog partnera.

#### **Član 4.**

##### **(Rok za realizaciju)**

- (1) Krajnji rok za realizaciju aktivnosti utvrđenih u članu 3. ove Odluke, odnosno za dostavljanje Izvještaja o provedenim aktivnostima i rezultatima Vladi ZDK, je 31.07.2018. godine.
- (2) Uz Izvještaj iz stava (1), dostavlja se prijedlog Odluke o opredjeljenosti za JPP projekat, u skladu sa zakonskim okvirom za JPP Zeničko-dobojskog kantona.
- (3) Rok iz stava (1) se može produžiti na pismeni zahtjev predlagača JPP projekta odnosno Ministarstva za obrazovanje, nauku, kulturu i sport, uz obrazloženje zbog čega je došlo do kašnjenja u realizaciji zadataka.
- (4) Zahtjev iz stava (3) podnosi se Vladi Kantona najkasnije 30 dana prije isteka roka utvrđenom u stavu (1) ovog člana.

#### **Član 5.**

##### **(Tehnička podrška Radnom tijelu)**

- (1) Predlagač ne planira angažovati (procesnog) konsultanta kao podršku Radnom tijelu u organizaciji poslova na provođenju zadataka iz člana 3. ove Odluke.
- (2) Radno tijelo će, do roka naznačenog u članu 4. ove Odluke, imati na raspolaganju tehničku (savjetodavnu) pomoć od USAID Projekta jačanja institucija vlasti i procesa u Bosni i Hercegovini (USAID SGIP).
- (3) Predlagač planira angažovati (tehničkog) konsultanta kao podršku Radnom tijelu na izradi projektne dokumentacije (idejni projekat i studija opravdanosti) u skladu sa Zakonom o javnim nabavkama.
- (4) Sredstva za izradu projektne dokumentacije (idejni projekat i studija opravdanosti) u skladu sa Zakonom o javnim nabavkama iz stava (3), obezbjeđena su u budžetu Ministarstva za obrazovanje, nauku, kulturu i sport Zeničko-dobojskog kantona za 2018. godinu na poziciji 613900 - Ugovorene usluge i druge posebne usluge u vrijednosti od 80.000,00 KM.

## **Član 6.**

### **(Naknada članovima Radnog tijela)**

- (1) Radnom tijelu pripada naknada, o čemu će posebnu odluku donijeti Ministarstvo za obrazovanje, nauku, kulturu i sport, u skladu sa važećim propisima i raspoloživim sredstvima.
- (2) Sredstva za naknadu iz stava (1) ovog člana obezbjeđena su u budžetu Ministarstva za obrazovanje, nauku, kulturu i sport Zeničko-dobojskog kantona za 2018. godinu na poziciji 613900 - Ugovorene usluge i druge posebne usluge.

## **Član 7.**

### **(Stupanje na snagu i objava)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-28-6082 /18.

Datum, 05.04.2018. godine

Z e n i c a

**PREMIJER**

*Miralem Galijašević*

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo za privredu,

1x Ministarstvo za prostorno uređenje, promet i komunikacije, i zaštitu okoline,

1x Ministarstvo finansija,

1x USAID SGIP projekat, putem ministarstva,

1x a/a.